

道古堂詩集

道古堂詩集卷二十四

仁和 杭世駿 大宗

韓江續集

奉酬南齋諸公中秋前一日山館對月有懷
題襟先有約滿望到秋中山館生明月江帆少順風吟
邊攜驥子酒坐憶車公莫笑生涯拙飄搖類轉蓬

過小玲瓏山館復酬諸公

才子趨庭過詩朋隔巷招相思仍昨日相見喜今朝寒
色歸吟筆清言佐酒瓢冬街少冰雪不畏去途遙

再過山館

幽關幾日斷知聞興到衝寒又萃羣山戀夕陰將釀雪
樹棲殘靄欲爲雲相人且喜成三耦遲陳臯不至同賦者六人阿買
真堪張一軍詩境詩才兩清絕那能步履不來勤

汪棟招集青桂山房

施從石門入山近雲仍封淺泝徑路絕乍喜漁梁逢堂
上生桂樹木末零芙蓉屈杜非寓言接境成歡悰維時
木葉脫細草猶丰茸森森聳寒翠况有杉竹松已悅仁
智性旋豁柴棘胸歸榜養腰脚珍此九節筇

張幼芬善侍父疾繪采藥圖以見志書二絕可褒

之

侍疾方書細討論遠攜鴉背刷靈根孝思試遡千年上
虞仲猶然是託言

金庭石室竊難如上藥行求病卽除莫問子和君遠近
儒門原有事親書

藤花菴觀厲徵君手書詩集感賦

旭景停南榮促坐試炙背鬱焉懷古情寂莫無所爲流
觀理竹素驚見瘦筋字新詩四十九一一清且恣故人
抱明月幽光蘊神智寓物無凡情觸景發奇思御風周
六虛山雨洗憔悴觀其所造微隱秀費思議墨花粲四
照庭栢助寒翠卽事感存歿相嚮制老淚

竹帳

織竹成帷孰所教湘中巧匠費推敲疎簾四面玲瓏望
細篾千絲屈曲交掃榻不煩除疥葉擁衾猶得數烟梢
商量清士差堪臥銀蒜紅珠一例拋

題文待詔畫後赤壁賦

黃泥阪口喚輕船已是霜飛木脫天觸網巨鱸鮮入饌
掠舟孤鶴夢疑仙勝遊歷落豪情在妙跡臨摹墨氣全
石壁插江空岬帆不將前賦共雕鐫

孫北海庚子銷夏記東坡與欽之書云有後赤壁
賦筆倦未能寫又云卷首損壞文衡山補之前意

未盡再賦一首

坡翁此賦美難如卷首叢殘七字虛

脫之坂霜露既降天共七字曾

說衡山勤補綴又問北海謹收儲龍跳虎臥雄無敵玉
躡金題愛有餘親見雪堂真跡在何云筆倦未能書

項均畫梅歌

項均不是塵中客冰雪肝腸梅氣格霜姿饒餘寫前身
不向丹青使開筆胸中無數嶺上梅一圈兩圈花自開
捩眼已驚寒色悄到手不放春工回著簪亂插莽無次
看似孤清轉雄恣畫格高寒不入時人與花光共蕉萃
偶然耽究作詩旨屈首金髯稱弟子髯兮愛錢不動筆

均也甘心畫不止圖成幅幅署髯名濃墨刷字世便驚
髯今物化梅花在屏幃時時發光怪寒香滿腹不療飢
擔向街頭和菜賣冰漸咽澗煙淒迷我欲振汝無階梯
嗟今三十貧不娶林逋卽以梅爲妻羅浮路遠夢曾到
醒抱明月仍單棲鵲鵲喚婦屋角啼紛紛菜傭務求益
賣畫奈汝索價低

題小屋吟秋圖

有雨秋在蟲有風秋在葉有月秋在窗涼氣已暗衰臥
看織女星銀漢淺可接詩人發興新垂字務妥帖繼響
知爲誰嫋嫋鄰笛壓

題徐氏翠艾林

初名學圃金布衣農政

息影塵囂外爲園廉讓間幽棲堂構遠學圃屨耘艱擬
陸東西廡稱何大小山崢嶸逼象緯浩蕩接漁灣俯檻
看鷗浴登樓待鶴還石奇何用選樹密詎宜刪宴賞逢
冬暖招邀趁客閒算棋偏得劫覓句不愁鰥綠字曹倉
滿青苔蔣徑斑抒情兼寫景珍重付荆關

謂徐柱

藤花菴四詠

樹根凡

誰劖秋樹根伸縮現鱗爪擁腫完天真斤削謝匠巧材
與不材間物理悟膠擾

雕竹屏風

隔坐施竹屏雕鏤功不省玲瓏透風尖瑣碎飾月影倦
僕頭屢觸夢沁髮根冷

髹漆榻

一室光可鑑木榻制樸魯文書妙入神顧銘辭亦古請
加方錦褥抱膝咏梁父

栞磚

旄人出新製栞薦倣山骨結體準直方剝中應虛歇遠
勝邨上彈激響振林樾

敬題姜貞毅公遺像二首

生署宣州一老兵歿傳遺命葬宣城裏創已顯嚴親節
吮溺難磨令弟名毅魄未銷亡國恨慙言何補末流傾
丹青解寫鬚眉似九死孤忠畫不成

同時拜杖挈開元髀肉飛殘血染禪一疏適逢驕主怒
九關誰恤直臣冤寓公虎阜還祠廟戍卒青山有墓門
畱得敬亭遺集在雨窗酸讀與招魂

和杜太守

甲

創修郝忠節公祠詩

僕義竟能從主死兒賢不肯背親存綱常已足垂千載
忠孝由來出一門信史崢嶸遺烈杳荒祠合沓亂山昏
比鄰禪闍紛香火

在蓮性寺右

誰向英靈酹一尊

十二月十九日東坡先生生辰釋方珍合竹西羣

彥設祭寒香館賦詩紀事

玉局仙人姓蘇氏與我生年同丙子遙遙相望七百年
公已騎箕先我死嗚呼公非一世才下筆萬斛泉源該
黃樓吹笛偶然耳赤壁攜酒胡爲哉嘉平之月日十九
磨蝎身宮恰臨丑孔釋抱送或有然申甫降神夫豈偶
宛虹橋畔風日晴已公茆屋竹滿庭玉了又古出畫像
短屐雙縛笠子輕詩朋載筆續續至喚艇敲冰破寒翠
瓣香私淑蓋有年願附門牆非買醉思公所嗜如公在
花猪竹颺元修菜鼎飯仍參白粳羹棕筭稀奇少人賣

敬舉一觴爲公壽糟牀先辦真一酒仙才海量不論斛
竟欲從公借升斗大科對策入三等詞垣草制推巨手
據掌致地尻益高絮禱諄諄公鑒否佛說法報有二身
坡詩用之金山捏塑能逼真廣州小金山龍眠白描此其二寺有公塑像
綿津祭後今無人老僧立理邁琴蜜琢句還比青蘿新
竹溪已招孔巢父蓮社復挈劉遺民嗟余後死頭已白
也向間坊展吟屐仰公最早識面遲禪喜徘徊到深夕
贊公請業合有詩公眸炯炯能辨之落紙艱劬筆屢吮
持鼓雷門憂被晒窺檐苦月出林輝揮手辭公且回軫

題陳玉几梅花雪蕉畫

甘蕉入夏敷其葉大難剪經霜日離披風起不得展梅
花抱冬心勁幹絕美輒苔須黏雪肥瓊朶綴枝淺畫師
雙管下一敗一偃蹇生枯任意爲榮悴隨手轉弱植無
後彫幽花貞歲晏南華物難齊天問理可衍

馬生

振仲

約身以禮能以詩紹其家學乾隆歲在

丁亥上元吉日當冠阼之年以玉輪一枚奉獻玉
取其孚尹旁達席珍以待聘也輪取其運行不息
夙夜強學以待問也先以小詩以代三加之祝云
慈雲偏蔭幾由旬采玉闌河巧斲輪蟾窟放光初滿魄
曦車踴躍恰躋寅璣衡旋轉羅星度黃字分明見壽人

一十二時供把玩性源長湛筆長春

題寇白門小像四首

千金我肯贖蛾眉可惜侯門彼一時今日披圖親識面
春寒無藉卷還遲

目斷青溪故壘昏板橋遺跡况沈淪如何千載嵬峩筆
降格還題寇白門

八代關河入夢遙枉將金粉誤南朝題詩我笑王司李
只憶秦淮舊板橋

膩粉濃脂一例收白頭蒙叟強風流豈知北史儒林傳
縮屋稱貞許散愁

梅槎歌爲吳均作

吳生醉啓笑齒瑳敦我試作梅槎歌槎形宛肖張博望
恍從碧落穿銀河空山埋蛻幾千載雨淋日炙沈荒阿
礫礪不蒙匠石顧堅瘦已受冰霜多東風吹盡香雪海
但餘根柢刪枝柯遠從石樓頂近歷孤山坡何年磨洗
發光怪落手奚止千摩挲象形制器出新意窪中屈曲
傾無何位置几案平不頗勝銀鑿落金叵羅吾聞竹西
二槎制作古器以人重言非訛碧山銀槎重廿鍰勾引
朱十攢眉哦南齋馬兄出誇客紫藍花底顏常酡犀槎
略傲犯斗製西疇買貯吟詩窩當筵王藻賦長句不與

銀盃羽化同銷磨君今得此堪鼎峙飲徒窺戶肩相摩
羅衣蕙帶寫寒色踏筵不用擎青娥一槎鯨吸一詩侑
醉律令除煩苛詩成酒盡天亦曉竹根同臥遑知他
我來邗水覓飲地戶小不勝雙紅螺清香透體味辛烈
此樣到口蠲沈痼請君細篆益壽延壽字仰助醺化廻
春和梅花滿山不歸去因君酒釀成蹉跎

馬徵君招集七峯草亭送別

倦遊念敝廬歸興不可降異書載兩頭白板裁輕艘密
雪已封徑滑澁凍石在草亭羅七峯萬竹青交撞虛白
生一室霽色明油窗故人寒置酒粥面新開缸齒牙脆

嚼冰妙句祛羣咙疎梅照幾點翠鳥飛一雙

易承基

宅用宋樓攻媿送王仲言倅海陵韻留別

閔華沙

維杓易諧吳均

離堂握手意蒼涼洗觥重煩杜蕢揚未得曠懷舒嘯傲
試拈長句鬪堅強裴王輞口無塵事蘇李河梁有報章
排日追歡原不惡故人情厚卽吾鄉

詠詩南軒賦春山得襟字

芳甸吹塵緩看山霏素襟雲根過年活黛色幾重深嬌
女眉偷樣繁花鳥習吟輕煙遮不極樵徑杳難尋

二月旣望張

世進

招集梅花下餞別

人道還鄉好吾衰意轉慵追歡常過分話別不嫌重詩
格同梅瘦離懷比酒濃三春剛去半圓魄又相逢

張給諫

馨

招集三松堂餞別

策杖經過路不賒寒松當戶見槎枒累君埽徑頻沽酒
邀我看山補種花二月天方開麗景中年人各愛春華
風光歷歷歸吟筆題徧空廊日未斜

題張觀察

棟

楓林晚坐圖

春樹紅在花秋樹紅在葉花紅露眼泣葉紅霜氣浹萬
綠各就凋楓楠轉暉暉所以曠士懷愛展林間屨石徑
路屈盤犂确費蹊蹠繼馬揀樹榭休徒倚山脇白雲爲

藩籬青嶂對眉睫一重復一掩奇景不暇接鳥飛所不到妙趣意先攝蕭灑張左轄夙世蘊慧業冬林偶宴坐雲氣滿衣褶幽奇眺晚晴清境俯難拾山風一以下涼木響燮燮

歙縣唐四

城

沒二十年矣其子

鐸

抱遺像來乞詩

有諾責者又三年於其歸用柳州法華寺石門韻題之

幽潛寡世營跼伏氣不爽浮雲蔽虛空何處容吾仰挾日無客過門徑草漸長何來故人子簡穆愜元賞樞衣拜牀下屏息歷階上手持一軸圖名號慎題勝苔岑臭

味合心目爲開敞千竿竹蕭蕭一道水潏潏迫視認始
真諦觀神旋往清豪見胸襟淳古露氣象吾家鄰汪芒
典籍世有掌羣從日追逐瑯鐫出瑤想精銳走雷霆光
怪驅魍魎兼以嚴進取直道正羣枉君從黃山來入坐
繼清響措念方懷新轉瞬已成曩浩然別我去判袂心
養養偶游絕因依欲往失倚仗朝氣涵秋清孤懷映月
朗每思平生言恒以勗吾黨遙遙隔京雒各各逐塵埃
君旣車牛牽余亦農漁傲山館忽見過鷗盟踐息壤攀
林倚連蜷臨池弄泐潏娛老計未周爲樂途甚廣奈何
歲運徂精魄遂搖蕩百身如可贖斯人豈有兩徒令千

知不足齋叢書卷二十四
里外彷彿記畫像從容祀茶神端肅拜石丈宿諾久始
踐淦淦泚盈顙

道古堂詩集卷二十四

道古堂詩集卷二十五

仁和 杭世駿 大宗

送老集

上

五月四日江

立

招同汪徵士

沆

汪員外

憲

陸解元

飛

小集枯樹灣寓舍

夏木幽森淥似苔
瓶廬如畫枕城隈
輕舟慢水灣環去
短策寬鞋次第來
喜借僑吳高士宅
探支隔日午筵杯
明知遠限重門鑰
不逐昏鴉不肯回

同作

汪 沆

解纓筵勞先日開
扁舟招我出城隈
樹陰成幄耽幽

建正堂詩集卷三
寂鷗鳥忘機約往來耘老三間茗水宅花翁一曲馬
膝杯風流異代真堪繼更乞烟雲滿袖回

時江以小齋雲山圖

索題

嚴濬移居二首

又向街南受一廬幽棲不爲世緣牽揚雄宅恐旁人認
庾信園應異代傳遺興只須詩送日尊生底用酒爲年
青楊門巷欣鄰並來往吾尤步履便

帛槌茶磨宛仙風白犬丹雞入畫中借竈請鄰吾有分

撐門挂戶

四字見王襄傳約

僕能工課孫細玩牀頭易治疾先

捐壁上弓最好葵榴森照眼華堂交映醉顏紅

題吳惠金洗竹圖

自來種竹有方法在去其祖存其孫枯枝癰葉盡剪薙
務剗老榦剗陳根吳剛斫桂乃本業園有苦竹尤殷繁
攘之剔之日農力不閒霧夕兼烟昏漏風篩月怪通透
但見蕭疎比前瘦搖青露頂天宇寬穿地行鞭土脈湊
幾年培護漸成林甬泥厚水苦用心濕螢閃閃避晚雨
倦鳥拍拍投深陰修蛇巷陌門可欵巷轉牆頭翠影滿
雙趺磐石看不足累我枯棋費茗椀阿師小筆妙香薰
畫聖詩禪兩不分世間熱客知多少耐可蒼涼對此君
分詠西湖名賢居止得僧省常白蓮堂

青豆閒房構幾椽山僧樂此聽風泉定香逆鼻禪風起
月上滿池開白蓮是誰闌入華嚴社槐鼎年年共結夏
試拈妙義叩廬山十八高賢應避舍僧結華嚴淨行社
王旦主之入社者
陳堯叟向敏中等共
十八人合廬山之數

題欽

義

寶鼎樓印組

嘯堂集古世爭傳斯籀千秋篆法全只有竹房吾瞎子
特標螭扁繼前賢

開士焚虛丁隱君各曾卽苑建奇勲不圖舊雨重泉隔
能事驚逢欽右軍

骨重臚陳索價高門攤挨訪興偏豪劉棻不是無奇字

只少昆吾切玉刀

八體紛綸認未真
陋儒識字劇艱辛
櫟園死後無公鑒
誰解提鉛傳印人

珊瑚木難仄原難覓金薤琳瑯孰見來
絕似倪迂清閼閣錦函珍重揀人開

閏七夕小集雲根園

涼風乍起星河靜
梧葉依然落金井
吳剛倚樹耿不眠
吟侶翩翩咸造請
飲中良會此宵追
天上佳期前度省
山池入畫箋共分
瓜果充筵燭應秉
魚跳錦浪止復喧
竹弄清姿斜更整
玉鉤徐轉石橋南
一院青苔漏秋影

匏瓜無匹素娥單勾引浮雲度西嶺畫屏閒坐笑癡牛
想見徘徊戀清景

秋草四首和梁孝廉

夢善

小草經秋日漸滋搖毫四顧試抽思黃連大磧邊程斷
青入遙山野燒遲一例亂隨乾葉踏半生虛過落花期
霜欺雨打韶顏老莫怨東皇不見知

連天綠漲達蕭辰曾記毬場跋馬頻漠漠有時籠薄霧
蕭蕭無計避黃塵驚風目斷臨江岸落日心關出塞人
亦擬郊遊挈蠻榼不知何地是芳茵

湖壩占得好家居只恨裙腰綠不如也有根荄承雨露

了無聊賴傍階除
難邀淑氣迴芳句
誰肯荒原走鉏車
偶出溪柴閒策杖
寒蕪宿莽渺愁予

別有淒清在意中
不關苦雨不關風
亂鋪劉表呼鷹地
細茁高歡避暑宮
一片平沙棲落鴈
五更涼露咽鳴蟲
新泥甃斗料量久
莫更貪緣入蕙叢

八月六日龔孝廉

禔身

招遊臯園歸飲健栢草堂

端居少人事往籍供元
對園林喜佳招散策領同隊
問途遵微行淞徑闢荒穢
灌木大蔽牛當門森蓼樹粉郭
當藩籬端正不偃背
活水灑城濠汨汨流不潰
禽啼青竹幽魚躍綠萍碎
島嶼互潏洄亭館呈妙績
經營始何

年登頓宜我輩嗟余筋力衰雖老尙未悖曠懷無俗牽
周覽有餘喟慨此泉石區已閱幾興廢先後兩黃門風
雅遞禪代園爲嚴顥亭始創今屬孫牧堂給諫晚烟上河橋初月照陰晦
歸來草堂清健栢儼然在古色干青雲蒼皮罩晴黛高
疑筮蓋擎卑或帽簷礙酌酒見性情哦詩紀年載良遊
慶吾遭盛饌志君愛

葉明經謨挽詩

蘭樵至性迴難儔親病愁心日望瘳京兆割肌張阿九
漢書介之推割肌存君此割股之始張阿九見唐書孝友傳辱陵嘗糞庾黔婁寒廬
竚俟烏頭表佳傳行看信史收卅載文林託襟契河橋

每過輒低眉

何節母壽詩

何氏有節母貞操秋霜如甲子方徧歷白髮已滿梳問
母何早白處境誠艱虞施衿申母命敬慎事舅姑廿三
所天隕遺此一歲雛之死豈不甘其奈雛呱呱割情勉
進食含藥兼茹荼朝炊米一溢夕進粥一盂一燈青熒
熒繰轉轆轤軋軋夜不休書聲偕伊吾成童學業成
餬口何所須謀生各有執請母擇一途猾吏不可爲無
寧爲寒儒吏猾觸刑網儒寒遠罪辜衣冠雖踞涼究屬
聖賢徒學子六七人學舍占一區巾卷前質問貼貼循

坐隅二十二萬言笙典咀其腴暇輒爲歌詩和鳴叶笙

竽余嘗挾二汪

徵士沆
員外憲

輕舸穿闌闕求友於北郭緩步

尋荒墟邂逅適我願隔水遙相呼遂申登堂敬清氣溢

敝廬示我六七篇爛若雲霞鋪一讀一咋舌神氣索小

巫人事旣已盡天道終難誣方今四門闢取士格不拘

有才如吾子肯令長菰蘆策名諒不忝守道原非迂色

養耻干祿跼伏甘蓬樞陽春迴大地萬物皆昭蘇旌門

崇綽楔奕奕光里閭阿母堂上坐令子庭階趨曲蹠介

康爵兩壺還兩踰壽萱葉沃若高栢無枯株觀者生愛

敬愛敬仍嗟吁有兒成國器母教真良圖是母與是子

貞孝天下無

次蔡石屏安橋幽居

老樹環階綠映苔寺隣金佛信幽哉
租菱人去叉魚集賣橘船歸載酒來
北上半塘栖水接南瞻一幰鶴峯開
守元尙白真吾分門徑何妨徧草萊

溧陽烈女王二姑挽詩

人生孰不死貴得心所安閨媛慕貞操
視死斯無難瑯琊有賢女秉性介以端
委禽許名族待字垂纓鞶春霜一何酷
摧彼謝砌蘭昏禮雖未具要言詎可寒
易服恩奔喪守義甘形單此意恐不遂
一死大義完制行或過

中志則堅如磐精誠動風雨聞者咸哀嘆金松有奇節
玉泉無濁瀾作詩述芳軌百世可以觀

人日赴吳城之招

曉起風光便不同緩攜藤杖過橋東地當磐弟梅兄候
人住堯天舜日中四座算年推我長七言選韻信誰工
排頭勝引今方始一笑樽醪到手空

脩禊於蓮居菴用梅宛陵和楊直講夾竹花圖韻
庶草抽蕘芳甸綠滿意塵寰覓磻谷橫河東折路更東
積雨初收新水足浮空野色肆排闥展山蒼疎畫一幅
扶筇覽躡入閒坊像設莊嚴徑幽曲重三袂禊古所重

藉草臨流且沿俗是時天氣陰晴兼虛暖微茫隱雲族
拾樵煎茗勞雛僧廟筍烹鮮役倦僕無邊韶景尙容賒
一段清愁遣誰鬻盤中飢餅白於綿缸面撇粥濃似粥
佛香風過襲春衣十笏雲堂簾盡軸鄰鐘催客不肯歸
猶上河橋縱遠目

咏白杜鵑花

一株躑躅苑牆東冷艷何年竟洗紅粉面素娥猜恐妬
春心望帝寫難工無人爲拜西川外比鳥應啼夜月中
血淚可憐誰處覓水精簾隔更溟濛

吳城

送青皮蔗

五尺青皮蔗修莖較我長替持綠玉杖交映翠羅裳
惠好光盈把分甘齒溢漿清閒覲晚境故遣老夫嘗

以青皮蔗送堇浦

錢塘吳城敦復

五挺休嫌少來從下若街到頭誇老境入口沁幽懷

色合松筠伴

少陵有幸對松筠之句

長應著作儕甘分小兒女

流液濺空堦

漫與疊韻二首

駸駸年運駛奔輪風雨連綿誤好春屈指勝遊無幾處

關心老友祇三人

謂吳城汪沆

猛辭世網偏宜嬾畧引愁端

不過貧扶杖政期歌

德化亟須調護苦吟身

開年三見月重輪宛似枯禪過一春豈假澆愁喚紅友
何曾伴夜覓瓊人名微轉諱頭銜賤智耄難醫腹笥貧
蟲臂鼠肝空幻想跼蹐悔不學輕身

良園咏新竹得影字

修修青霄姿剛介其本性當春惹萌掀綳脫新露潄
筍愛惜剛直節乃得逞叢生不愁孤離立偏耐冷茅茨
坐彈琴相對光罔罔風起動成響月到碎篩影物生必
於蒙長養我爲政題詩慰幽獨生意默自領

送汪沆之吳門用漫與韻二首同吳城作

卅年閩粵織蹄輪憶共郊居祇一春門下世多彈鋏客

建寧集卷三
牀頭自有捉刀人相期左氏詩招隱不用揚雄賦逐貧
老屋苔花新更綠却愁淫雨濕松身

違時我臂轉方輪入世君真到處春載筆葛龔工作奏
登樓王粲慣依人書傳城旦文無害念切民依道不貧
百里吳門剛溽暑也須珍重客中身

林上舍 大綸 招同陳太僕 兆崙 邵侍御 樹本 集寧

德堂二子侍飲

經年移病臥面皺所親驚契濶思朋酒牢愁仗友聲看
棋宜晏起扶杖要徐行羨汝兒郎偉文章早擅名

就園文讌詩爲孫 廷錫 作

高樹無醜枝曲磻流清音步欄通金堂傑閣冠玉岑嘉
遊非俗賞勝地便幽尋言招竹溪逸共題漢上襟烹泉
安石鼎布席揀綠陰濯足驚潛鯨歌詩苔棲禽道士坐
竹房爲鼓邱中琴庶幾張伯雨或者鄧牧心雅集已成
曩禊事匪始今幸際羲黃時莫使塵慮侵

· 伏日孫上舍

傳會

招集南華堂

勝地招邀向習家園池水竹湛清華雲陰欲漏催詩雨
伏熱宜呼醒酒茶晚興移牀過柳蔭涼風吹夢入蘋花
盟鷗人去空亭在惆悵癡鷗立淺沙

趙園

有二十六鷗亭
徵君是遺構

仁和

孫傳曾

誦芬

蠻榼攜來欸竹扉涼堂軒敞晚風微月移松影當階
覆螢墮樓陰貼水飛林下風流人已渺謂趙丈樽前宿
老座相依新詩吟罷爭傳寫奉杖隨行緩緩歸

題俞葆寅荷溪泛月圖

荷葉田田柳如線一葉穿花隨岸轉姮娥高處愛窺窺
水面萍開忽相見波恬夜靜舫漫鳴葦叢或恐鷗夢驚
碧筒吸酒健詩骨放筆一笑天河傾此中涼意不可說
欲買扁舟路周折倘邀共載詩筆庸清景天真爲君設
許郡伯永基招集亦園卽席有贈

晚花庭院劇凄清喚出雙娥面不生箋乞化工回淑景

已涼天氣嘯春鶯

曉粧梳掠逐時新
巧笑生春又善顰
對客勝常知客姓
目中莫謂竟無人

檀槽圓腹曉生寒
也學曹剛左手彈
衆裏自嫌衰太甚
不將老態恣卿看

秋老天光分外青
可憐人在第三廳
傷心自寫淒涼調
頭白蕭郎制淚聽

題王廣文

誥

仙都小憩圖

君不見縉雲縣令趙侯炳
航石如船坐來冷
空山杖履日往來
如踐鷗盟不待請
又不見縉雲縣尉毛維瞻
南

溪釣線遊魚銜至今高韻在人境峭壁深刻毛翁巖吾
生好奇緣不偶夢想仙都亦云久湖裏蓮花可當籌石
上窪尊宜貯酒詩非康樂乏天才篆比陽冰非好手塵
凡一隔動千年歲月侵尋成老朽王兄王兄羨爾鼓勇
能一登無人牽挽仗瘦藤山心何窈窕山骨仍嶮嶒石
柱插天幽徑窄高寒疑有神仙宅雲中仙樂聞不聞洞
口青芝杳難摘草茵三口客坐臥擬向山坳展瑤席謾
謾天風樹杪吹吹落松花如白雪儒官非尉亦非令學
舍打頭立不正胸中邱壑頗崛奇只愛提鉛向幽篁一
峯一洞一句詩好景悉以詩寫之詩成更喚三昧手密

林陡鑿圖參差寒窗斜日邀讀畫過眼烟雲不芥蒂留
題百字卷還君付與名山備詩話

新安貞女汪桂芳挽詩

有絕命辭二首

栢舟苦節石難移絕粒從容殉我儀一死靡他無宿諾
九原相見有前期憑棺未遂青松志畢命還畱白雪辭
他日貞魂表靈瑞墓門應產九光芝

蕭山汪氏雙節旌門詩

并序

蕭山汪楷官淇縣典史遠遊嶺表歿於羊城客舍繼
室王妾徐養孀姑撫孤子輝祖成立大吏爲請於
朝獲旌其門徐已前死王尙在堂輝祖以乾隆戊子

舉於鄉介予女夫汪彭壽來乞一言古詩十一言爲
暢卽仿其體爲之

固陵大義村北石闕高嵯峨石有時泐汪家雙節名難
磨生平負氣慷慨嚮慕在節義欲往肅拜荒江道左無
由過淇園賢尉遠適南越尉陀國二豎遭虐煢煢隻影
纏沉痾三彭讒口上訴梁父註死籍破窗風雨呼魂妖
鳥巢庭柯翩翩素旒六千里外遞棺至哀哉二婦血淚
灑面交滂沱繼室結婚五稔三旬且闕二其簪二十有
九閱歲仍無多十齡孤子髭彼兩髦翦左角堂上尙有
鬢髭素領高年婆叔也不仁盡室以行徙異縣撐門拄

戶縱有健婦其如何宿道累累猙獰債主雁行立取償
十指排籤戰被僵頻呵油燈欲明不明促坐理纈枉光
透破壁胸背瑟瑟寒風梭朝齋暮鹽支吾餽鬻苦不繼
狡焉不諒公然入室思操戈闔門致語或以情恕或理
遣能使庶頑悔心易慮終無他老姑壽終榛筭髭髻杖
卽位附身附棺附棹次第無差訛嬌兒善病猶然不廢
折襲教慈嚴互用恩勤督責誰嫌苛貞操可配高高無
上之嵩岱勁氣欲挽滔滔日下之江河

聖朝發潛甄隱旌門有大典九重下賁丹詔五色光
巖阿所悲生我二年前死不及見北堂無恙眼看蓬鬢

如霜皤天道好還從來苦節必食報報以科第封生贈
死流恩波太歲在子兩浙大比當貢士主司如箕巨眼
炯炯勤搜羅葩流藻采竟以毛詩魁一榜擢犀二策乙
夜經進 重瞳職由此鵬搏九萬誅蕩赴天闕掄狄闕
狄花底奉母供婆婆冰霜歷盡陽春漸次回大地何異
鄒衍吹律黍谷生暄和有善則記古者所以重惇史女
夫敦我亟亟頌述母蹉跎猛燭吐燄朗照雪屋一箋擘
興酣放筆磊落抑塞成高歌

謝太傅祠

謝傅蒼生望遺祠近薦橋東山絲竹散檣樹法雲洞屋

齒何時及棋聲此地遙三鷗同墓隔魂斷恐難招謝傳初葬

建康陳始興王叔陵葬其母發之棄其柩至孫夷吾爲長城令民爲遷葬於三鷗岡有碑見西吳里語

汪徵君沆招集苔花老屋主客六人合四百一歲

各記以詩客爲沈廉使廷芳陳州牧鏞吳上舍城

王秀才虔

飲食衍衍計非左其奈衰翁足先跛竹輿安穩御風行
似鹿雙丁泥沒髀入門五叟歡顏迎四顧顏唐勃如我
談深吻渴便呼茶立久腰酸亟思坐家江風俗肯敬老
俯視少年悉英果寬鞋瘦策足徜徉黃髮龐眉轉婀娜
諸君六十已過頭賤子癡頑齒最夥算年四百更加一

康彊逢吉神麻荷從容竹葉解雙瓶寂寞梅花開幾朵
用酒爲年衆謂然以詩送日吾亦頗發聲雖不免伊優
捶字仍然要貼妥東坡三十九龍鍾昌黎四十齒牙墮
造物嗇壽豐其才而我無才壽則那良宵不樂徒自悞
年運駿駿疾飛箭天公有意助清吟急酒衝檐恣軒簸
蝦蟇柳急莫漫催小市寒街尙燈火

題汪徵君

沈嗜酒愛修竹圖

寧可食無肉豈可居無竹
篩月與吟風清陰滿一屋
寧可居無耦豈可坐無酒
種竹須揀辰飲酒當盡酉
汪兄嵇阮倫埋照全天真
養竹不劖笋釀酒務使醇

朝經而夕史左壺右燕几一杯復一杯醅醕樂忘死
竹影落酒鍾濕翠分外濃詩脾一以沁造句如清風
許我偶入林綠積涼情情提壺枝上叫勸我聊酌斟
酌子以大斗期子以黃耆共醉臥竹根逸興緬杜叟

瓶花齋春宴

淑氣迴芳春驚蟄雷始殷薄暄能護蘭淺碧漸榮槿高
齋棲雲根巷僻差可隱卷積聊自娛花繁不暇摘嘯侶
抒奇懷卽景理詩吻遊思闖幽遐造語屏金粉迢然契
天機遂爾遠塵坱殘牙嗟老缺食坐自前盡同儘曲禮
食坐盡前
勉勉賡高言韻剩邊幅窘吟成屢聱牙憂被作者哂

題李觀察

琬

四時行樂

元夜宜讀書清光射巖隙開窗間梅花滿地畫橫格迷
濛認始真月肥花更瘠

波平不驚鷗莎軟可眠鹿倚樹浩有思先憂乃後樂涼
風一披拂柳散千絲綠

楓林酣清霜白雲繚繞之誰歟幻奇景試手天公爲意
行覓瘦句刻畫難端倪

玉屑灑不休萬木盡被介南山射獵歸駿駿恣所屈雉
膏兔首肥行炙試一噉

三月二十九日集雲根園迎夏聯句

乘時惜餘春青帝權已謝

世駿

謁蛙姑取鬧黃鸝且停

罵

吳穎芳
西林

鄉俗節獨重天宇晴尙詐

吳城
甌亭

舊侶因雨睽

新愁倩風嫁

汪沅
西顯

嬾散久杜門滑澹孰勸駕

丁傳
希曾

巷尾

九曲通林腰一街跨

汪憲
魚亭

招尋路匪遙會合緣豈乍

徐

秋縛帚理荒蕨開徑永清暇

吳玉
壩小谷

衰翁興尙仍韶景

戀難卸

世駿

入門亂紅飛側帽新綠亞

穎芳

攢空樹合

團聚潤薜蘂罅

城

孤芳綴疎籬清陰漲高架

沅
烟竇詰

屈穿蘿幌斜整麥

憲

短笏幾處橫細礪一支瀉

傳
側出

將爲沆旁流卽成汜

堂

開湖仿郎官規陂擬僕射

玉壩

遊魚若空行浴鳥每雙下

世駿

石髮不可梳蠓衣自然

化穎芳

名花憶河洛穉柳分澹灞

城

碧筍蠹修廊疏峯

抗虛榭

沈

瘦疑佛胛爲醜或鬼面詫

憲

初平叱未起媧

皇鍊初罷

傳

匠心垂玲瓏刻畫出隆窠

堂

偕躋嗟力孱

欲壓吁可怕

玉墀

其上嵌危亭其趾建精舍

世駿

雲根

此錫名嶠刺巧相譟

穎芳

吾儕同里閨日夕接盃竿

城

上巳尊靈辰解禊借蘭若

沈

駟隙不逗畱義轡倦休假

憲

恢台一朝臨應以酒相迓

傳

渾宜缸面撇清待糟牀

醇

堂

龜蓴滑似油猶笋白於絮

玉墀

蠶豆青可憐櫻珠

美無價

世駿

飢飯蒸堆枰韻果掇盈把

穎芳

裂餅牙未

缺望梅齒先辭

城

江魚鮮方烹鴟鳥脆堪炙

沈

轟飲船

下埭角技枝舞柘

憲

投瓊險得梟分曹各爭霸

堂

無錢

欲買春有興兼卜夜

玉墀

留賓并投轄照座燭燒樺

世

駿筆墨縱橫飛檠榻次第掙

穎芳

秀句珠琲聯精紙粉

光研城

言泉方續竹甘境譬啖蔗

沈

立意羞雷同標新

極姬妊

憲

無嘈并無嘖不敖亦不吳

傳

時令慨遷移格

律謹喑啞

堂

心賞慚阿連肩隨希叔夏

玉墀

和聲集八

能鬪險劈三華

世駿

思幽渺難賡句傑輒得訝

穎芳

硯

焚子詎甘瓶罄我當貰

城

共叶威鳳吟羞爲腐鼠嚇

沈

高言撼雲霄逸氣破罟擣

憲

急點轉崢嶸繁英任狼藉

傳莫禁鵲鳩喚誰肯訓狐射

堂

長街畏衝泥緩縛雙不

借玉輝

江昉至自新安江立招集土橋寓舍飯後散步東郊徧遊蓮居報國諸蘭若卽事

東風隔月欸荆扉才卸春衣又葛衣流水斷橋隨客興
齋魚茶板逗詩機僧如乳燕晴還蟄人似遊蜂暖更飛
多謝高城遠相送參差樓堞夕陰微

湖莊送江昉還廣陵再用前韻

明湖十里豁郊扉淨浣塵勞短後衣行也尙賒吳苑夢
前在吳門有訪歸歎且息漢陰機暖風遲日琴同臥
往渚還汀鶴共飛預向家人先送喜燈花紅綻玉蟲微

題余林縣昂霄雙松圖

黃海兩稗松培養歷年載根株旣堅牢枝葉遂蔓藹友
風而子雨離立供晚對所嗟千霄姿跼蹐盆盎內余翁
一行人不欺其大概吳回震其鄰天爲反風再擬翁所
積累高厚過嵩岱日與蒼髯叟渾悶閱人代化鶴翁不
歸與叟遠分北賢子書賢能才地壓流輩牽絲隆慮山
懸魚見清裁優恤邇見聞何物親所愛寫圖申孝思手
澤儼然在維桑必敬止况寓風木慨抑吾更有規爲貧
仕非昧陟屺瞻望勞尸饗我心悔北堂喜健飯色養祿
能逮請營第二圖護草樹堂背

莆田鄭蘭州

王臣

以弟憂乞歸道過江干停舟過

訪不相見者三十年矣情話移時老懷歡暢輒成
四絕卽題其歸來草後

東京風俗由來厚每爲期功便去官陳實譙元吾目汝

尊鱸人錯比張翰

陳寔以期喪譙元
以弟憂皆見本傳

萬里瓜沙屏翰開兼資文武借奇才如何五郡河西重
竟聽金城太守回

玉關西去接羗雲自昔涼州割據紛獨有臯蘭山下路
彩毫煩寫漢時勲

東臯舒嘯復西疇人較柴桑更遠遊七錄異時標別集

竟應題作鄭蘭州

飲春草園桂樹下次陳太僕

涼堂倚杖午風微
青桂連蜷所見稀
把酒異香飄客坐
散花金粟點生衣
波明浴鳥長雙下
日暖游蜂愛獨飛
只我小山來往熟
不妨頻款竹間扉

題姚思勤石湖泛月圖

朝遊支硎山夜泛石湖水
石湖靜不波極望何渺瀰
靈風忽相招夷猶一櫂弭
秋中月輪肥流汞見湖底
嶽嶺照幽襟詩骨瘦無比
蒹葭青濛濛纖路不知里
擊汰呼馮夷攬臂期若士
朗吟招隱詩宿鷺爲驚起
清氣沁心

脾清華入骨髓噫吁人世福都被君占矣披圖興飛越
涼夢先落此後期倘相邀亟喚小牒子

哭汪舸

白頭排歲哭人忙七十衰翁轉自傷瞥眼四秋違舊好
驚心九日喪汪芒題襟秀句追柯古攀柳流年在漢陽
磨鏡欲持芻一束滿江風雪畏寒裳

輕裝遠適意如何垂老光陰抹電過九派怒濤流漢急
十巫妖夢到荆多病魔長技纏衰骨山鬼新謠出女蘿
此日登高悲宋玉招魂何處寄哀歌

道古堂詩集卷二十五

道古堂詩集卷二十六

仁和 杭世駿 大宗

送老集 下

寄索吳處士

穎芳

太平御覽并簡汪比部

憲

太平御覽一千卷卷卷篇題悉完善義取令狐乙夜陳
名齊祖珽脩文殿從來副墨嗟灰泯只倚江南活字本
焉烏亥豕間有之州次部居原不混處士七十暇不昏
一蟲瞪視成車輪拾橡行吟貧愈樂研硃點易老更勤
風流比部富文史辟蠹每用芸香薰欲踵李昉訂譌闕
爲君洗硯開華軒廣求善本向我借此書韻事姑一論

昔年葛文康獲交尙公輔一瓶還書古有例無酒仍將
酒券補我不能飲君所知以甌不妨改作癡無須於借
分爾我只合於還判速遲鄭昉未嘗易魯隱龜陰至竟
屬齊景臨文纈祭少書檢縱倚才鋒不得騁空虛無據
文不從如鼓隴胡魚骨髓空拳恒嗟白戰難毫學潛傷
孤燭炳問君久假胡不歸勞我崇朝屢引頸

向披初學集狂詆 本朝輒焉髮指新奉

諭旨錢謙益詩文概行焚毀不勝歡躍敬紀一律

動言金虎與宮鄰妝點三朝侍從臣浪子豈堪爲宰相

宋人呼李邦彥爲
徽東林點將錄以

浪子宰相王紹
燕青目錢

黨魁問亦厠僉人

元祐

黨籍有章惇曾布黨東林者詵妻在彼詈何害桀犬逢
容有小人勝國人已有此語

堯吠有因竊祿
聖朝仍肆詆斲棺邀免荷

深仁

題陳明府銬我與我周旋圖

至人獨立而不懼世態紛紜競攀附傍人門戶求繫援
捷足公然矜得路巧令足恭何蟲豸左邱明耻某亦耻
少無高識老更忙媛媛姝姝直到死陳侯門第擅高華
詩才燦爛如朝霞約身規矩雖斂退酒後肝肺長槎枒
畫中有畫何紛拏以畫印畫仍不差與我周旋寧作我

我用法誰訾耶晉賢作達語最夥此語吾嘗心賞頗
置身千載希古直此志蹉跎竟不果老氏大患在有身
絕四宣尼又無我芻蕘爲君進一解我相不存更帖妥

八日集汪徵君小眠齋送吳六秀才

玉壘北上

王路無浪轍春遊多俊人柔波初解凍芳條欲抽新小
雪吹霏霏淨洗廣陌塵我友夙當駕揖別平生親梅花
如心朋離立寒溪濱含香尙未越蓄意何由伸折寄待
改歲餞飲當斯辰人日古所重賦詩非無因春華努力
愛利用觀國賓細旃求民莫看子琅玕陳

同作

汪 沆

獻歲謝塵累畏寒嬾不出靈辰自古重追懽詎可失
高春來故人情話一尊密延陵有才子干霄奮彩筆
忽作紫陌遊半酣覩縷述男兒志功名安用守一室
壯哉鯤鵬徙行矣驂騑叱我生困行役垂老抱殘帙
願君宏遠謨華紱副名實置身親切地經術飾治術

振綺堂和賦酒旗二首

瞥眼青帘入望中麴香吹過廿番風一竿斜颭荒村尾
盡日閒挑野店東節冷偶霑微雨濕天晴長借夕陽烘
停鞭指處心先醉不用沿途問牧童

飄飄身世嘆虛浮搖颺風前不肯休逢吻渴時偏觸眼

遇誕流處猛擡頭當墟春早晴先挂臥甕人多夜忘收
淡墨一行君莫問雙旌新署醉鄉侯

周學士

景桂

以年至乞歸出守蒲州時湖舫紀勝

卷索題感舊抒情書一詩送之

壯歲相逢如舊識土炕油燈同續食文場戰藝我籠東
丹地論思君夜直承明久厭試爲吏南澳蒞蒞官半刺
製文送子蒞蠻鄉努力相期襄 聖治宦程歷歷典方
州三晉名區次第遊中條山色忽掛眼河中敷政推君
優世重宣威五色棒水利從來都不講城西有湖名五
姓豪右規陂翳明鏡力排衆議遠舊觀一碧天光常倒

映從此應名刺史湖灌田萬頃成膏腴金塘儼儼舞楊
柳銀濤拍拍飛鷗鳬募工巧學歐家樣照水油窗造齋
舫銀罍翠管載兩頭擊汰中流發高唱半入湖心半入
雲世間凡語徒紛紛清聲已約嬌鳥和流響更遣潛鱗
聞催取金波照瑤席水沃田肥詩獨瘠使君心跡果雙
清湖水年年流厚澤政成上考報

天子一歲三遷或以此還君華省舊巢痕仍入綸扉參
庶揆乞身歸臥人爭羨將向桐江理釣線雲泥卅載判
升沉豈意江干重見面披圖省識定交年勉竭愚誠賦
一篇前塵若憶王官谷來喚西湖六柱船

瓶花齋牡丹今年特盛復同主人步過雲根園看

花竟日

雨後思看穀雨花東風特爲淨塵沙已逢國色酣春色
便向姚家過魏家蜂蝶互投香不斷屏幃低護彩交加
殘年到處邀歡賞歸對山妻取次誇

齋中牡丹大放堇浦見過同賦 吳城

青藤已作二分花又見階前國色賒臭味差池憐我
輩池塘圍繞讓他家煖香偏護藏書壁幽賞先澆醒
酒茶隔巷小園開更晚支筇同訪日西斜

湘江歸櫂圖四首爲黃

易作

脩簫自昔元無譜寫韻何曾別有軒八扇油窗一帆月
江天如畫笑言溫

二孤眉黛綺窗浮彩筆張郎著意偷一種仙姿費評泊
大姑顰態小姑愁

散花灘外曉冥濛家住春塘半道紅青粉墻高簾幙靜
楊花飛過不因風

皇姑臥月擅芬芳繼美梅花字字香若向阼階論著代
寓林先闢說詩堂

海螭追和亡友汪明經

惟憲

韻應陳

寅請

海濱負殼本微蟲瑣碎爬羅不滿籠口爲結筍長自閉

尾因呼吸漸能通椒鹽味遠朝餐外燈火聲囂晚市中
節物最宜櫻笋配酒邊嗜好略相同

閏月初伏喜江

立

自韓江至集奚氏翠玲瓏館適

有以宋槧李雁湖王荊公詩注殘本求售卽效王
體用其集中贈彭器資韻

幽窗愛讀水經注枝壑層峯性夙慕伏臨初日大火流
毒熱先愁無避處奚家老屋剛三間賭碁廿載曾往還
客逢舊雨有酒肉書獲異本生波瀾青霄野竹恣搖曳
日脚不到風所褰君仍欲別我轉戀何以贈處真兩難
翌日復集用王集同杜使君飲城南韻

酒人愛羣飲絺衣來聯翩中庭滋蕙露短榻分茶烟過
雨雲解駸白日當空縣濃綠借隣樹檐罍不見天戶小
不勝飲奈此藥玉船跛脚北窗臥焉能強周旋脩篁解
依人翠影矜便娟禮叨先一飯食坐且盡前

六月朔鮑

廷博

載酒過翠玲瓏館用王集到郡與

同官會飲韻

雨氣冥濛滿城郭虹影參差掛樓閣羈人枕簟喜粗安
狂客觥籌猶橫索或捉臥甕酌言嘗旋舉匏尊願言酢
此中自有埋照人較似竹林無此樂

立秋後一日汪徵君載酒過翠玲瓏館奉餞江

立

用王集飲裴侯家韻

君來住在深竹中
仰首不見金烏紅
客邊一月筭清課
聯吟會飲歡難窮
去家雖隔一千里
性愛翻書長早起
清辭搖襞不肯已
題在奚鋼畫山水
徵君許酌心旌縣
自攜三百青銅錢
清酒百壺詩一篇
送君安穩歸江天
吾儕共處兩大褭
一醉何須分彼此
科頭散帶松石間
錄別暫偷一日閒
酒酣更乞奚鋼筆
寫贈南屏一嶺山

龔斌

招集半翁居道署同汪

沅江

立用王集秋熱

韻

經月亢旱心肝摧舉炊無計
將析骸贐衣枯死活辭稿

庭柯豈得滋條枚解渴恨無冰雪枕救渴擬築湯液臺
零壇虔禱禁屠宰商君下令嚴棄灰非肉不飽古有訓
半翁哀我解我哀雞菰鴨糲恣我啖大醉不醒死便埋
橫河半里放船去蓮居蘭若追涼回三歎已令饒叔足
一飽頓使愁眉開江兄勸汝且逗遛詰朝有暇還重來
伏後一日重過翠玲瓏館送江

立

用王集飲裴家

韻同魏之琇

畱子旣不得送子將如何長河兩厓高尺水難興波月
杪桂窟閉照施無姮娥江天嗟渺緬星宿空旁羅

邱嚴夫婦合昏詩二首次邑侯高明府元韻

并序

邑中小民嚴輝遠妻亡有女十餘歲鞠於外母徐媼
輝遠與吳興邱某善屢資其惠遂以女字其子天柱
逾年邱死家日落輝遠頓悔前盟謀以女鬻富室爲
妾往告徐媼媼不從輝遠結諸惡少欲篡取其女以
歸女恚甚抱母木主往投井媼守之不得入奔控縣
庭令爲歷城高模字彥範逮輝遠及女與字至天柱衣
履單寒匍伏階下令爲好語試女曰邱郎貧甚恐無
以贍女盍從父命乎女叩首荅曰貧富命也身旣許
邱有安命而已去貧就富不特無以見亡母於地下
萬姓耻罵亦無以見賢父母於公堂矣令壯其言大

喜曰吾特試若若勿憂吾爲女成之促令送太夫人
所太夫人爲具衣襦環珥令爲天柱製新衣咄嗟立
辦卽公堂花燭成禮具酒肴備儀從送至壻家杭人
相聚從觀歡動一城輝遠當重懲釋弗問命往壻家
飲食不撻而觶以觶爲撻也所以媿勵之者微矣明
日天柱夫婦詣公庭謝復賜飲食予白金五十兩以
資生計令復賦詩二章屬而和者不可勝數北郭何
珙紀其事以示鄙人鄙人嘗學乎舊史氏矣嘗論之
匪獨其女貞也媼亦賢明婦人哉不爲利回不爲威
脅植人倫扶王化斷然行之而不疑意其七八年中

所以範女者必嚴教女者必正優游

聖化之中爲貞松勁栢貫四時而不與衆草偕靡闕而勿論琪之疎也令知一邑之事夫婦失所是其責故可使夫婦易所乎樹一端以警衆下之從上若草之從風政之本得矣吾邑志之不脩蓋七八十年於茲令斯邑者若傳舍問其姓名有不知者况一二善政可紀乎康熙辛丑壬寅之間有王四攻木之工也聘於馬仁邑刑房書役也納吉以後歲時俗有追節之例四勉力行之鄰里所悉知也大螺螄山有蔣姓者考滿得選典史欲買妾之任馬氏利其財遂以女

歸蔣爲妾或以告四婚後三日宴戚友四混廚人得
入親見其妻徧拜客爲僕妾而不媿四憤甚號於縣
令爲芮復傳治錢塘頗有賢聲郡守蓬萊張爲政墨
吏也受蔣賕而以屬芮庭訊時匿其媒勿使出四坐
誣受杖於庭荷校一月始釋里之人莫不知其冤而
女卒歸蔣人心壞而廉耻喪莫此爲甚有心世道者
莫能匡也余因邱嚴事而牽連書之高令之賢真可
以當畏壘之尸祝後有脩志者錄而存之而邑令之
賢否可以參觀而得矣

韶月穉女好姻婚父在應須往送門豈料金夫施狡術

幾從露井弔貞魂芳心庭訊同堅石勁節天畱奠厚坤
爲有湘東三管在題詩擬就玉臺論

歡逢邑宰是天人力挽頽綱性愛民窮巷向曾推衆母
深閨今始識嚴親鳩媒身任春添韻鴛牒重翻筆有神
更感婚錢出清俸阮脩從此不長貧

八月二十六日姚秀才思勤招集鶴巢周覽園亭
之勝各紀二律

小築依城迴佳尋得地寬入門花照眼浴礪鶴梳翰飛
翠沾衣袂清陰罩石壇杖藜隨步遠幸不到秋殘

石磴疎寮接登樓碧漢迢竹深無俗響岫近露清標雲

洞安琴薦山楹挂酒瓢衰年耽野興涼夢落今宵

同作

仁和

姚思勤 汝修

清曠雲卿閣蕭閒蜨叟齋敢云佳境埒差有素心諧
索句憑花檻銜杯坐石厓秋風塵不到詩酒豁襟懷
俊賞推前輩騷壇足雅型如何雙鶴杳二客不至遠望數
峯青譚麈欣同握吟筇肯再停幽禽解畱客喧語下

莎汀

仁和

黃基

玉階

兄也多佳客招之來別廬入門所見換關徑有誰如
花藥李公圃林泉輞口居秋芳隨桂後一笑錦屏舒

三老風流劇

董浦晴江兩先生

羣賢少長并衣冠成小隊觴

詠敘幽情蠹走叢書檢鴉歸暮靄生菊萸重九會許

我再隨行

九日集半翁居喜趙二邑丞

煒

自越中適至遂同

遊報國禪院以佳辰愛重九五字爲韻余得九字

高閣羃重陰佳辰恐相負黃花破愁顏向我開笑口分

期風雨侵寂寞坐相守龔兄居城隅招共剪寒韭何圖

鏡湖人竹戶此焉叩別去三十年契濶欣執手入坐不

肯閒杖短筇伊糾相攜上河橋延佇一搔首城頭方散

鳥池上未髡柳尋僧徑窮深開梵日盡西佛屋無凡蹊

草堂有醇醲衰年惜景光不肯與俗偶集此世外朋著
意作去重九半翁髮半皤而我衰已久遣興莫過詩得
名全是酒趙二吾故人汪五况石友相於制頽齡爲君
盡一斗

題女史蘇

晚蘭

香嚴課讀圖

倪秀才一
擊之室

青粉牆頭吟事罷絳紗帷外講堂開學規一卷女論語
丹地鳳綸來未來

鄰女掃眉初借硯嬌娃搦管便簪花沈雲英與黃媛介
林下風清幾大家

筆牀硯匣日相於滴露研朱點筆餘釋菜竟須先太姒

采蘋南澗誦關雎

尙書講授自家庭伏女嬋媛見典型不見潁川鼂掌故
尙煩口授寫遺經

塾中不少村夫子
樞外驚傳女秀才
教學故翻新格局
從來青史戴經該

十卷充衢紹乃翁
學精家巷見門風
鋤經雜誌新成後
班馬還須論異同

春鶯囀木語無譌
內集年年樂事多
所祝程夫人未老

更畱餘力教東坡

子印元
工詩

吳城
餉越中毛芋

越中嘉種數蹲鴟荷子傾筐肯見貽想見園收同錦里
忽欣擔負到茅茨滑過北產羊酥膩白賽南烹玉粳奇
飽食向陽頻鼓腹野人風味最相宜

翟教授灝過出鄙製觀

胸中無活雲日恐就枯槁孤吟韻不安輾轉屢削藁逃
虛望足音跼然過翟灝灝也天骨迺才高衆所媚不以
道途賒意在慰我老我老豈足念所患不聞道衆製如
紛麻煩子細搜討七子高建安奇才萃天寶孰正孰怪
奇孰朴孰麗藻茫茫問真宰戛戛想獨造試於騷壇中
商略樹一纛吾衰百無成雖壽何異天中心恒養養怒

焉默自擣隨時翫景光且莫恐不保已白庭際梅未綠
階下草求友有鳴禽翩翩翻舞晴昊將子復能來酌酒恣
顛倒

堇浦丈見示定藁並惠新篇用韻奉荅

翟灝

郊居便嬾拙閉關久却掃得者水竹清失者友朋好
時物動螭然觸念頗燥燥出門求所欽不憚逸遞道
多君慰離索出示牀頭藁哀然編旣成可卽付梨棗
請之掉頭言聊用娛衰老遽以問世人愛憎且莫保
嗚呼文教衰狂瀾日傾倒人人具雙瞳幾辨白與皁

凡瞽互標榜卓技羣嫉媚瞽瞽逐聲聞懵懵烘頭腦
彼人知不知何足掛襟抱粵我長安遊獲登龍門早
徵歌聯長牀沽酒典敝襖往往燭見跋文圃戀談討
輾轉迹西東晷忽序寒燠君齒旣已尊我首亦已皓
我學根抵淺譬猶石面草音乖七條弦辭綴百家綵
未能張一軍應致君生惱然猶聆緒餘識君所鎔造
不徒文條攀直向理窟搗詩書氣蔚華鬱成五色縑
翩然威鳳翔風骨負豐藻所以一篇出傳秘等鴻寶
林下三十年海內千尺蠹長風一揮披坐見拉秋稿
何恤坎底蛙聒聒沸夏潦蕭齊此日閒晴曦漏窗杲

亭亭梅花枝倚檐弄新編會合得斯須天遣君與灝
英靈河嶽間不致付憚悵請從校字儔精闕共研考

宋永招同顧太守光姚秀才思勤汎舟五里塘

支河遶郭路非遐五里汧洄細漿划疊嶂漸青雲自白
小桃未綻菜先花頽陽破寺春塵暗野水荒陂短釣斜
不見布帘挑柳外傾壺仍苦酒難賒

三月三日項孝廉豐招集萊園脩禊

莫春日踰已理策來東臯名園迴在望極目青雲高童
子歡接杖長廊繞周遭金塘已舒柳露井方開桃呀然
一畝宮麗景茲焉韜茂林帶平岡况有千簔篋被襖就

玉礪滿飲挫新糟意行遵微行斯詠兼斯陶織援不計
里繡野盡地毛僧伽事疏材放梵仍作勞瞿瞿戒無荒
游食嗟我曹烟中出疎磬韻與微吟鑒

同年趙學正駿昇挽詩

頭銜國子喜新除皓首驚看八十餘草木養年身更健
林泉樂志願非虛公車作奏三千牘論語傳家半部書
羨汝有兒能似續春風依舊滿門閭

項壩招集沈道士房

幽尋羽人宮炎景轉陰黝紫芝循瑤階青桐蔽虛牖山
雨來尙慳涼風獲消受相偕幾朋彥尙覲兩胡耆

謂吳穎芳

姚世琳函我未窺良會今豈有清言叩元牝猛氣解俗
狃要以苦硬詩斂志洗塵垢浩浩抒靈襟如扶風穴口
解人卹艱劬勞以仙姥酒惜哉無彌明弱響祇孱守

荅汪秀才

泰

揮扇河橋遠來尋媚學人題詩滿虛壁覓酒過南鄰風
月空相引笑談何處親晚來憐杜叟幽獨恐傷神

遯矣時經久翩然往復回淝塵無宿雨殷地有輕雷把
盞窮經庫刊碑繼石臺白頭吟伴少羨爾不羈才

時以校正

張參五經
文字相質

送宋永之蘇州

寶安橋外數峯秋安穩蒲帆趁夜抽著個詩人篷底坐
滿天涼夢下蘇州

傷離歎逝老懷妨不道清才爾許狂尙欲一探囊底智
強顏跋扈少年場

而翁錄別祇經旬不寄秋江六六鱗客裏晨昏吾羨汝
寢門猶是黑頭人

龜坼秧田似大橫吳農雨澤缺三庚老夫第一關心事
託問江東米價平

七夕汪徵君招集落花老屋用白香山早秋晚望
兼呈韋侍御韻

高齋有清課曠士多遠思招邀合朋歡鄭重關詩地蕉
衫旣便襖棕鞋復輕利人挾詩偕來風與涼俱至名理
愜素懷元談佐幽寄澹泊寡俗營其樂乃不翅分持一
寸管共此千秋事落度不望傳辛苦豈謀醉

同里楊秀才

楷南

與余同受知大理汪公哀然爲

諸生首選歷遊大幕歸而病不及相見而死其子
來乞詩作此挽之

采芹曾共及芳辰五十回頭又四春彈指每嗟人代速
驚心頻制淚痕新才長老作諸侯客道廣猶傷孺子貧
後死欲傳身後事翻憐我亦幻中身

姚比部遠翽招遊靈隱三首

華嚴閣晚眺

傑閣倚天半招攜同躋攀靜釋域中戀飽看門外山衆
綠堆蓊蔚楓柏插其間微霜爲渲染著色黃朱斑妙趣
非獨領偉觀不衆慳頗疑錦屏列巧與高閣環萬象歛
暝色一鳥投空閒清楚梵警夜課華鯨催客還踴躍喜前
猛窘步嗟來艱俄延林月黑岫幌仍不關

會宿松靄山房觀竹垞檢討六詠卷

放梵景易遒游行日將夕津梁同佛疲衣裊愛僧瘠導
入青豆房曲盃不嫌窄詩題贊公仍茶事謙老亦桑榆

三宿戀牀向四大借流觀五言詩潛采如接席揀枝鳥
先棲穿砌蟲尙啃龕燈翳復吐鄰磬遠難跡曙色工遷
延未肯射窗隙沉沉夜氣澄清夢幾回易

妙應閣觀貝葉經是宋咸平年寫者有亡友丁

處士敬長歌

佛樹有貝多名自西域震蔭廣幾由旬龍藏可考信寫
經采其葉較紙更堅韌梵字尙左旋糾繞勢取迅六十
四種書旁行苦難認畱胎始咸平劫火幸不燼我友不
施檀才美去驕吝以詩爲佛事圓機合密印我不解佛
法亦不識筆陣惟應洗淨眼勇猛礪智刃

哭溫明經 廷鈞

振古才難得天何不子年文場纔幾日玉貌忽重泉命
豈庸醫促詩憑好友傳吾衰秋淚闕爲子一潸然

仲冬旬有二日集近雲山舍

幽人愛山棲小築遠塵坳禽魚樂飛潛花藥妙羅攬山
光窺檐櫺蒼秀不肯隱羣屐相招要道不遺傲繼遺文
理縱橫俗禮謝曲謹冬晴轉暄妍節喜長至近烹鮮更
焚枯破凍開臘醞不蘄潤詩腸且辦解渴吻

題黃 棠 遺畫二首

秋江采魚

桃源迷後蘆鄉濶不見漁郎黃子真老我空江無一物
瀟泉洗句薦秋蕓

水墨荷花

微風欲起清姿動曉露初晞病葉涼如此荷花好世界
不畱殘夢在陂塘

艮山野望同何琪倪一擎黃謨吳錫麒姚思勤黃

基作

霜根絡平疇宿草棲隴首邇郭無故蹊臨河有苑柳駢
肩歷荒垌跼步陟高阜斷碑澀蘚交野廟社公守瓦陰
羣動蠶遐覽萬象剖噉雁求曹哀危葉悴柯隄清遊豈

難續漫興亦云偶夷途識歸樵延佇遂淹久

潘阜陽世仁惠贈何學士讀書記侑以湖綿輒成

二律奉報

閱覽吳中推季札耄勤漢世數衰遺史因歐謬糾難恕
漢以劉刊誤可思籍產愈增三館重贈官深荷 九重

知尙嫌善本搜難盡文選水經注尙未刊誰解春明借一瓶

裘毛落盡鄴空存擁絮貪眠嬾出門久分柔鄉辭煖玉
驟歡衰骨得奇溫茅檐挾處寒銷粟敝繭裝完瘡減痕
從此南榮稀曝背不須叩首望朝暾

題奚元瞻歲寒圖

莽蒼大野中側立千仞壁青松託根牢倒掛不計尺橫
飛六出花飄灑恣狼籍天工巧包荒萬有同一白朔氣
方嚴凝乃有獨往客複衲不遮寒柳栗且徐策霽色望
不窮輕冰踏仍圻旋看凋林穿復此凍礪騫落落鴻爪
畱荒荒樵徑隔想其汗漫遊眼隘塵宇窄清氣沁詩脾
九竅一漱滌山靈請磨崖削句定寒瘡

陳寅索題冬心隱君畫馬

戰餘白肉尙畱瘢浴罷風駿可否乾寫入畫圖神駿在
僧廊仍借道林看

積雨新霽飲雲根園梅花下

春寒思命酒有約亟宜稟癡龍挾頑雲急點夜春枕洗
句無纖塵澆梅有餘瀋凌晨冷艷烘暹旭破淒凜巡檐
倚微吟得樹且羣飲格瘦非俗妍以花定詩品

浴佛日雨後集祇園菴

夜添花雨水平塘同過城東選佛場老向空王求解脫
靜諳閒味得清涼僧勤洗鉢袈裟濕客愛巡簷拄杖長
冷熱二龍憑取水要看螺髻露圓光

輕風惻惻颺春衣路織疎籬靜掩扉沿岸草肥蛙易鬧
過墻竹密鳥慵飛佛離諸垢何勞浴人到精藍不擬歸
結習懺除慙未盡尋詩長傍釣魚磯

送何

琪

入閩兼柬錢方伯

琦

冒暑辭家亦等閒
閩行無數好溪山
建安竹紐仙遊筆
寫寄新詩莫漫刪

仙霞關外盤盤路
半壁杉篁翠插天
四十一年曾一到
竹兜藜杖勝登仙

錢起驚才乳虎虓
麾幢待子慮前茅
人言杜甫依嚴武
我慶韓公得孟郊

道古堂詩集卷二十六